

塗地燒種種名香設七盤果餅布五色壓設
五色飯請摩利支天然燈續明七日七夜誦
是摩利支天陀羅尼呪經滿二百徧一切病
鬼皆生慈心放於病人即得除差若遭縣官
所拘錄者亦如前淨室如法設供敷座然燈
續明七日七夜誦是摩利支天陀羅尼呪經
五百徧得如願已設齋散座一切厄難無不
滅除爾時諸比丘聞佛所說皆大歡喜信受
奉行
佛說摩利支天陀羅尼呪經

佛說長老施報經

宋朝散大夫試鴻臚卿明教大師法天奉 詔譯

如是我聞一時佛在舍衛國祇樹給孤獨園
爾時有長者名給孤獨來詣佛所頭面禮足
於一面坐佛告長者若復有人以上妙飲食
如法布施或自手施法八或恒時施三不能獲於廣
大福報於意云何以其彼人心求富貴及快
樂故若復有人不為衣食卧具富貴快樂以
妙飲食如法布施當得大富及得妻子男女
僕從眷屬孝順侍養於意云何以其彼人為

諸有情而行布施佛言長者過去世時有長者婆羅門名彌羅摩行大施會以八萬金盤滿盛金屑而行布施復以八萬銀盤滿盛銀屑而行布施復以八萬金盤滿盛金屑而行布施復以八萬銀盤滿盛銀屑而行布施復以八萬銅盤滿盛種種細妙珍味飲食而行布施復以八萬乳牛而行布施復以八萬童女以上妙衣服真珠瓔珞種種莊嚴而行布施復以八萬金牀銀牀象牙牀木牀安置種種細妙綈褥而行布施復以八萬輦輿車乘

敷以白氎及憍尸迦衣種種嚴飾而行布施佛言長者彼彌羅摩如是行施不如有人以其飲食施一正見人所得果報勝前果報於意云何以其此人不墮邪見故佛言長者彼彌羅摩如是行施不如有人以其飲食施一正見人一正見人不如施百正見人所得果報勝前果報佛言長者彼彌羅摩如是行施不如有人以其飲食施一正見人一正見人不如施百正見人百正見人不如施一須陀洹所得果報勝前果報佛言長者彼彌羅摩

如是行施不如有人以其飲食施一正見人
一正見人不如施百正見人百正見人不如
施一須陀洹一須陀洹不如施百須陀洹所
得果報勝前果報佛言長者彼彌羅摩如是
行施不如有人以其飲食施一正見人一正
見人不如施百正見人百正見人不如施一
須陀洹一須陀洹不如施百須陀洹百須陀
洹不如施一阿那舍所得果報勝前果報佛
言長者彼彌羅摩如是行施不如有人以其
飲食施一正見人一正見人不如施百正見

人百正見人不如施一須陀洹一須陀洹不
如施百須陀洹百須陀洹不如施一阿那舍
一阿那舍不如施百阿那舍所得果報勝前
果報佛言長者彼彌羅摩如是行施不如有
人以其飲食施一正見人一正見人不如施
百正見人百正見人不如施一須陀洹一須
陀洹不如施百須陀洹百須陀洹不如施一
阿那舍一阿那舍不如施百阿那舍百阿那
舍不如施一阿羅漢所得果報勝前果報佛
言長者彼彌羅摩如是行施不如有人以其

飲食施一正見人一正見人不如施百正見人百正見人不如施一須陀洹一須陀洹不如施百須陀洹百須陀洹不如施一阿那含一阿那含不如施百阿那含不如施一阿羅漢一阿羅漢不如施百阿羅漢所得果報勝前果報佛言長者彼彌羅摩如旦行施不如有人以其飲食施一正見人一正見人不如施百正見人百正見人不如施一須陀洹一須陀洹不如施百須陀洹百須陀洹不如施一阿那含一阿那含不如施百阿

那含百阿那含不如施一阿羅漢一阿羅漢不如施百阿羅漢百阿羅漢不如施一緣覺所得果報勝前果報佛言長者彼彌羅摩如是行施不如有人以其飲食施一正見人一正見人不如施百正見人百正見人不如施一須陀洹一須陀洹不如施百須陀洹百須陀洹不如施一阿那含一阿那含不如施百阿那含百阿那含不如施一阿羅漢一阿羅漢不如施百阿羅漢百阿羅漢不如施一緣覺一緣覺不如施百緣覺所得果報勝前果

報佛言長者彼彌羅摩如是行施不如有人
以其飲食施一正見人一正見人不如施百
正見人百正見人不如施一須陀洹一須陀
洹不如施百須陀洹百須陀洹不如施一阿
那舍一阿那舍不如施百阿那舍百阿那舍
不如施一阿羅漢一阿羅漢不如施百阿羅
漢百阿羅漢不如施一緣覺一緣覺不如施
百緣覺百緣覺不如施一如來應正等覺所
得果報勝前果報佛言長者彼彌羅摩如是
行施不如有人以其飲食施一正見人一正

見人不如施百正見人百正見人不如施一
須陀洹一須陀洹不如施百須陀洹百須陀
洹不如施一阿那舍一阿那舍不如施百阿
那舍百阿那舍不如施一阿羅漢一阿羅漢
不如施百阿羅漢百阿羅漢不如施一緣覺
一緣覺不如施百緣覺百緣覺不如施如來
應正等覺施如來應正等覺不如施佛及隨
佛大苾芻衆所得果報勝前果報佛言長者
彼彌羅摩如是行施不如有人以其飲食施
一正見人一正見人不如施百正見人百正

見人不如施一須陀洹一須陀洹不如施百
須陀洹百須陀洹不如施一阿那含一阿那
含不如施百阿那含百阿那含不如施一阿
羅漢一阿羅漢不如施百阿羅漢百阿羅漢
不如施一緣覺一緣覺不如施百緣覺百緣
覺不如施如來應正等覺施如來應正等覺
不如施佛及隨佛大苾芻衆施佛及隨佛大
苾芻衆不如施四方一切持鉢僧食所得果
報勝前果報佛言長者彼彌羅摩如是行施
不如有人以其飲食施一正見人一正見人

不如施百正見人百正見人不如施一須陀
洹一須陀洹不如施百須陀洹百須陀洹不
如施一阿那含一阿那含不如施百阿那含
百阿那含不如施一阿羅漢一阿羅漢不如
施百阿羅漢百阿羅漢不如施一緣覺一緣
覺不如施百緣覺百緣覺不如施如來應正
等覺施如來應正等覺不如施佛及隨佛大
苾芻衆施佛及隨佛大苾芻衆不如施四方
一切持鉢僧食施四方一切持鉢僧食不如
施四方一切僧園林所得果報勝前果報佛

五八

七

言長者彼彌羅摩如是行施不如有人以其
飲食施一正見人一正見人不如施百正見
人百正見人不如施一須陀洹一須陀洹不
如施百須陀洹百須陀洹不如施一阿那含
一阿那含不如施百阿那含百阿那含不如
施一阿羅漢一阿羅漢不如施百阿羅漢百
阿羅漢不如施一緣覺一緣覺不如施百緣
覺百緣覺不如施如來應正等覺施如來應
正等覺不如施佛及隨佛大苾芻衆施佛及
隨佛大苾芻衆不如施四方一切持鉢僧食

施四方一切持鉢僧食不如施四方一切僧
園林施四方一切僧園林不如施四方一切
僧精舍所得果報勝前果報佛言長者彼彌
羅摩如是行施不如有人以其飲食施一正
見人一正見人不如施百正見人百正見人
不如施一須陀洹一須陀洹不如施百須陀
洹百須陀洹不如施一阿那含一阿那含不
如施百阿那含百阿那含不如施一阿羅漢
一阿羅漢不如施百阿羅漢百阿羅漢不如
施一緣覺一緣覺不如施百緣覺百緣覺不

如施如來應正等覺施如來應正等覺不如
施佛及隨佛大苾芻衆施佛及隨佛大苾芻
衆不如施四方一切持鉢僧食施四方一切
持鉢僧食不如施四方一切僧園林施四方
一切僧園林不如施四方一切僧精舍施四
方一切僧精舍不如盡形志心歸依佛法僧
所得果報勝前果報佛言長者彼彌羅摩如
是行施不如有人以其飲食施一正見人一
正見人不如施百正見人百正見人不如施
一須陀洹一須陀洹不如施百須陀洹百須

陀洹不如施一阿那含一阿那含不如施百
阿那含百阿那含不如施一阿羅漢一阿羅
漢不如施百阿羅漢百阿羅漢不如施一緣
覺一緣覺不如施百緣覺百緣覺不如施如
來應正等覺施如來應正等覺不如施佛及
隨佛大苾芻衆施佛及隨佛大苾芻衆不如
施四方一切持鉢僧食施四方一切持鉢僧
食不如施四方一切僧園林施四方一切僧
園林不如施四方一切僧精舍施四方一切
僧精舍不如盡形志心歸依佛法僧盡形志

心歸依佛法僧不如盡形不殺生不偷盜不
婬欲不妄語不飲酒所得果報勝前果報佛
言長者彼彌羅摩如是行施不如有人以其
飲食施一正見人一正見人不如施百正見
人百正見人不如施一須陀洹一須陀洹不
如施百須陀洹百須陀洹不如施一阿那舍
一阿那舍不如施百阿那舍百阿那舍不如
施一阿羅漢一阿羅漢不如施百阿羅漢百
阿羅漢不如施一緣覺一緣覺不如施百緣
覺百緣覺不如施如來應正等覺施如來應

正等覺不如施佛及隨佛大慈芻衆施佛及
隨佛大慈芻衆不如施四方一切持鉢僧食
施四方一切持鉢僧食不如施四方一切僧
園林施四方一切僧園林不如施四方一切
僧精舍施四方一切僧精舍不如盡形志心
歸依佛法僧盡形志心歸依佛法僧不如盡
形不殺生不偷盜不婬欲不妄語不飲酒盡
形不殺生不偷盜不婬欲不妄語不飲酒不
如有人於十方世界徧一切處行大慈心饒
益衆生離諸分別心無相故所得果報勝前

果報爾時世尊說此語已告長者言往昔彌
羅摩婆羅門行大施會者非別沙門婆羅門
等則我身是時給孤獨長者聞佛說已無我
見人見衆生見壽者見遠離惑想心得清淨
悟寂滅忍

佛說長者施報經

佛說毗沙門天王經

宋朝散大夫試鴻臚卿明教大師法天奉 詔譯

如是我聞一時佛在舍衛國祇樹給孤獨園
爾時毗沙門天王與百千無數藥叉眷屬於
初夜分俱來佛所放大光明照祇陀園一切
境界五體投地禮世尊足住立一面合掌向
佛以偈讚曰

歸命大無畏 正覺二足尊 諸天以天眼
觀我無所見 過現未來佛 三世慈悲主
一一正徧知 我今歸命禮